

Ebi Bbayibbuli Yegeresa

Hu biitu Ebindi Ebihulu ebi Bakurisitayo
Bafugiiririramo



©



... A library in every language!

Lunyole

Scripture Impact

ISBN: 978-9970-719-01-3

2Abasesalonika 1:3-12). Abaatu bosibosi abasuna ohunoŋoha hwa Yesu behahasa baati omusango sigulibasinga aye baja husuna obulamu obutaŋwaŋo (2 Abakorinto 5:10; 1 Abasesalonika 4:13-18; 1 Yowane 4:15-18). Aye ebi baholanga baja hubihejamo (1 Abakorinto 3:11-15). Abo abaholanga ebibi nasibanonoŋoha baja hutiina mu geyeena eriba ohubonabona ohutahoma (Ebibono ebi Yesu Gahwehuliye Yowaane 20:11-15).

Ne mu ndaalo ej'enjagamo y'ehyalo ni jiriba hupi hwola abaatu baja hweranga banadiini aye nga ebi bahola sibiŋa Hiwumbe eŋono, baliba bamayiru ate bajeemu (1 Timotewo 4:1-2; 2 Timotewo 3:1-9). Ŋalibaŋo abasomesa ab'obudulingi abene abangi nindi abaatu bangi balicaama. Enebisya embi yiryeyongera, ŋalibaŋo etalo enjala n'ebiseera ebigosi. Aye abo abaligumikirisa baabita mu biseera bino ebigosi ni beŋambire ebya Hiwumbe era ni benda ohuhola ehituufu nj'abalinonoŋoha (Matayo 24:3-14; 2 Abasesalonika 2:1-17). Yesu aluyeŋo ohugobola lwahwenda abaatu beyongere ohuŋulira Amaŋuliro Amalaŋi banonoŋhe (2 Petero 3:3-15).

Ebi Bbayibbuli Yegeresa
Hu biitu Ebindi Ebihulu ebi Bakurisitayo
Bafugiiririramo
Basic Teachings of the Bible

Translated by:
Joel Mugoya
Peter Mweru
George Madembe

Lunyole

Trial Edition, 2008 (300 copies)
First Edition, 2010 (600)
Second Edition
March, 2011
600 copies

ISBN: 978 - 9970 -719 -01- 3

Produced in cooperation with:
© Lunyole Language Association
Ehibbubbu hy'Olulimi Olunyole
P. O. Box 1213
Mbale, Uganda
and
© SIL International
P.O. Box 750
Entebbe, Uganda

This is a shell book.

Permission is granted for non-profit reproduction of this material
in local languages only.

Acknowledgements

Illustrations by: Tim Holden, BTL, Kenya © (God, Trinity, Salvation, Sanctification, Communion, Prayer, Marriage, Heaven, Hell, Satan, End Times);

Illustrations by: Mbanji Ernest Bawe, Cameroon © (God the Father, Sin);

Illustrations by: © New Tribes Mission 1989, 1990 1991 1000 East 1st St. Sanford, FL 32771- 1487 (cover, God the Son, Baptism);

Illustrations by: Copyright © Language Recordings Inc (Australia) (Holy Spirit, Salvation, Other Religions);


Illustrations by: International Illustrations © (Bible);

Illustrations by: Louis Gull. BTL, Kenya © (church).

All illustrations used with permission.

Original text developed by the
BTL Language Programmes Department, Kenya, 1998 ©

Enjagamo y'Ehyalo (Endaalo Ejisembayo)



Ehyalo hino ehi hulimo hatyane sihija hubererera hiiti emirembe n'emirembe. Hiri n'anya hyatandihiiye Hiwumbe ko n'ahitonda (Etandihwa y'Ehyalo 1), olw'ehyo hiija huba n'enjagamo (Ebibono ebi Yesu Gahwehuliye Yowaane21:1).

Luliba lulala Yesu gagobola mu hyalo muno ohwiruhira abo abamwihiriisa baje babe ŋalala ni naye emirembe n'emirembe, abo abaliba ni bafuuye mu hiseera ehyo ŋalala ni nabo abaliba ni bahiri balamu (1 Abasesalonika 4:13-5:11). Aye ŋabula muutu yesiyesi amanyire aŋa Yesu aligobolera (Matayo 24:36; Ebikolwa by'Abahwenda 1:6-7), olw'ehyo hutehwa ohuba ti huli betegefu hiisi nyanga ko atwagaane ni huhola ebi genda (Matayo 24:42-25:13; Mariko 13:32-37; Luka 12:35-40; 21:34-36).

Yesu n'aligobola alisalira abaatu omusango (*Danieri 12:1-2*; Matayo 25:31-46; Ebikolwa by'Abahwenda 10:42; 17:30-31;

Ohufugiirira n’ohwesiga Yesu n’omwoyo mulala nj’ohujanga ohutusa abaatu mu maani oba mu wahabaha wa sitaani bagobola mu wahabaha wa Hiwumbe (Ebikolwa by’ Abahwenda By’ Abahwenda 26:18; Abafeso 2:1-2; Abakolosayi 1:13).

Amadiini Agandi

Ebbayibbuli yitusomesa yiiti naliŋo engira ndala yoŋene eyi muutu aŋanga ohubitamo ko ganŋooha era Hiwumbe gamusonija ebibi ko gasuna obulamu obutaŋwaŋo mwigulu.



Engira eyo yiri mu mwana wa Hiwumbe Yesu Kurisito (Yowane 10:7-9; 11:25-26). Mu Yowaane 14:6, Yesu galoma ati, “Niise engira, amazima n’obulamu. Dabulaŋo owoola eri Hiwumbe ohutusaho n’abitire mu se.” Mu Ebikolwa by’ Abahwenda 4:12 ebbayibbuli eroma yiiti “Daŋumaanŋo muutu yesiyesi anoŋola ohutusaho Yesu eyi Hiwumbe gatuŋaaye.” Ni naaŋo, ediini yosiyosi esomesa yiiti naliŋo engira eyindi yiba caamu. Hiisi muutu hyenda gategeera Amaŋuliro Amalaŋi agaŋamba hu Yesu Kurisito, omwene ko asaleŋo ohumufugiirira oba bbe (Matayo 7:13-14).

Aye ebbayibbuli erabula yiiti ŋaaja hubaaŋo abasomesa n’abanabbi abadulingi (1 Timotewo 4:1; 2 Timotewo 4:3; 2 Petero 2:2). Ale humanya hwegenderese era hufanihisye eralala ehi baatu hyabo baloma (1 Yowane 4:1-3) n’ohubona huuti basomesa enjiri etuufu etaali y’obudulingi (Abarooma 16:17-20; Abagalatiya 1:6-9; 2 Abakorinto 11:1-4,13-15).

Ohwanjula (yehere osome bino konyo)

Ehitabo hino hinyonyola mu bupibupi hu birala hu biitu ebihulu ebi Bbayibbuli esomesa.

Ebbayibbuli esomesa ebiiitu ebindi bingi (era sihuŋanga hubihenayo) aye bino nj’ebisinga ohuba ebituufu era ebihulu ebi Bbayibbuli esomesa. Hiisi muutu ali n’ohubisoma era asome n’eBbayibbuli omwene ko aŋange ohutegeera obuhahafu w’ebiiitu bino. Hiraŋi bugali weene ohusoma ebbayibbuli ohuhira ohusoma ehitabo hino. Gesyaho ohusomanga ebbayibbuli ohuhahasa oti ebitabo ebindi ebi biyromaho bituufu.

Hisubirwa hiiti abakurisitayo bosibosi ab’enjehirisa ej’enjabulo ni naabo abatefugiiririra mu Yesu baja husoma ehitabo hino n’ebyaŋandihiwa ebiri mu bubonero bwa hamboŋe (bbulaaketi) ohusobola ohufania Ehituufu ko baŋange ohuŋwa mu biŋeego ebi babadulinga n’ohutategera hibono hya Hiwumbe. Luka 24: 25

Ehitabo oŋanga wa hisoma n’oli weeka oba ni muli mu hibubbu aye hiraŋi bugali weene ohuhisoma n’eBbayibbuli ŋalala. Nindi ko osome ebbayibbuli oli n’ohweherera ohulomba Hiwumbe ahuyeede ohutegeera bulaŋi ebi oja ohusoma.

N’oba n’osoma ehitabo hino n’enyiriri jomu Bbayibbuli huŋa amagesi huuti: (1) Tangira olombe Hiwumbe era osunge Omwoyo Omwabule abe nj’omusomesa wuwo era ahuhuume otaŋwitanaŋwitana (2) Hiisi somo lisomemo emirundi ebiri oŋange ohutusamo amahulu aye n’ohiri husoma mu bbayibbuli (3) Onahena ohusoma omulundi ogwohubiri nindi yagamayo osome polapola ni wehaanya. Onoola hu nyiriri j’Ebbayibbuli wihula e Bbayibbuli osome ni wehaanya ohubona ehi Bbayibbuli eroma. soma polapola ni wehaanya. Hinaba hiiti ehimesu ehi oli husoma bahicuuihise mu lulimi lulwo, soma mu lulimi lulwo (4) Ale nindi gobolamo ohusoma esomo lyosilyosi ohusuna bulaŋi amahulu aga himesu hiromaho. Aye hu luno sihihwetagisa husoma Bbayibbuli

READ THIS FIRST! / Preface

This book briefly shows some of the important teachings of the Bible.

The Bible teaches many other things (and we could never exhaust them), but these are some of the most important truths and ideas which the Bible teaches. Every person should read and study the Bible themselves to understand these truths. It is better to read the Bible than to read books like this about the Bible. You should always read the Bible to make sure other books are saying what is true.

It is hoped that Christians from all denominations as well as non-Christians will read this book and study the Scriptures given in brackets in order to come to an understanding of the Truth and be set free from false ideas and misunderstandings. Luka 24: 25

This book can be read and studied along with the Bible in groups or by individuals. Before studying the Bible, it is always good to ask God to help you clearly understand what it says.

When you read this book and study the Bible verses, we suggest you do like this: (1) Pray to God and ask the Holy Spirit to be your Teacher and to guard you from confusion (2) For each topic or section, read the text of the entire section through 2 times in order to get the main ideas, but do not yet look up the Bible verses (3) Then go back and read the words again slowly. When you come to a Bible verse, look it up, read it carefully and study it to see what the Bible says about it. Take your time in doing this. If the Bible or parts of it have been translated into your own language, it is best to look up the verse in your own translation (4) Finally, read the whole section of this book again to get the main ideas being taught. You don't need to read the Bible verses this time.

hutyo po huliba era hino nj'ehiraga hiiti Yesu aņanguliye erala amaani g'ehibi n'ohufa (1 Abakorinto 15:53-56).



Sitaani (Hiwooyi)

Ebbayibbuli yegeresa yiiti sitaani nj'omutangirisi w'emyooyo emibi josijosi (Mariko 3:22-23). Hiwumbe nj'owawumba sitaani era hu tandihwa gaali mutangirisi w'Abamalayika aye gaaba n'ohwepaaha ng'ajeemera Hiwumbe. Hino hyaleteeye Hiwumbe ohumubbinga mu

hibbubbu hy'abamalayika abamuņeerese, era abamalayika bosibosi abaali ni bejimbire hu sitaani ng'omutangirisi waawe boosi nga bababbinga mwigulu (Luka 10:18; 1 Timotewo 3:6; Ebibono ebi Yesu Gahwehuliye Yowaane12:3-4,7-9). Abahabaha ab'emyooyo emibi hu hyalo huno sitaani nj'abanjererera amaani, ebi bbayibbuli eroma hu habaha w'eBbabbuloni (Yisaaya 14:12-14) n'ohu habaha w'eTiuro (Ezekeri 28:11-19) binyonyola bulani ng'olu sitaani afanana.

Sitaani ahongerese abaatu gabaleetera ohujeemera Hiwumbe ni bahola ebibi (Luka 4:1-13; 1 Abakorinto 7:5). Sitaani mudulingi era agesyaho bugali weene ohudulinga abaatu (Yowane 8:44; Ebikolwa by'Abahwenda By'Abahwenda 5:3; 2 Abakorinto 11:14; Ebibono ebi Yesu Gahwehuliye Yowaane12:9). Sitaani agima ebiitu ebyene ebingi ebibi byola hu baatu mu hyalo muno. Hino ahihola ohuleetera abakuritayo ohutya coka humanyire huuti Hiwumbe atuhuma era Yesu gaņangula sitaani (Luka 10:18-20; Yowane 16:11; Ebibono ebi Yesu Gahwehuliye Yowaane12:10-12; 20:10). Hiwumbe gahena hale ohutegehera Sitaani n'abamufugiirira egeyeena (*Danieri 12:1-2; Matayo 25:41*).


era babibunga omwega. Abafugiiririra Yesu baliramuha baba balamu emirembe n'emirembe aye abatomufugiiririra baliramuhira huswala, n'ohubonaabana ohw'amaani ate ohutaagama era baliba mu hwininala olw'obulumi emirembe n'emirembe. (*Danieri 12:1-2; Matayo 13:24-30, 36-43; Yowane 5:25-29 (cf Yowane 6:28-29); Yowane 15:6; Ebibono ebi Yesu Gahwehuliye Yowaane 14:14-20*).

Abaatu bosibosi bali hya Adamu omuhalehale owafa era ni huli n'ano hu hyalo huno hwambaaye emibiri egirifa jaabola. Ne abafugiirira Yesu ni bafa emibiri jaawe nj'ejitiina mwiroba (Etandiha y'Ehyalo 3:19), aye emyoyo jaawe nijo aho ni naaho jitiina eri Yesu jaaba eyo (Abefiriipi 1:23). Yesu n'aligobola hu hyalo, Hiwumbe aliramusa bosibosi abaliba ni bafuuye ni bafugiirira Yesu (1 Abasesalonika 4:13-17; 1 Abakorinto 15:23) era ng'abambasa emibiri eminyaaha ejiri hy'ogu Yesu Kurisito gambala n'alamuhire (1 Abakorinto 15:45-49). Emibiri ejo eminyaaha jiriba janjabulo hu jino eji huli ni najo (1 Abakorinto 15:44; 2 Abakorinto 5:1-8). Emibiri ejo siijifa, ja luberera, jiri n'enono ohuhira jino eji huli ni najo era jiri n'amaani ag'enjabulo (1 Abakorinto 15:42-44, 52-53). Ohufaanana hy'obumwo ng'olu buba bwa njabulo hu himera ehi bujwamo, n'emibiri eji huliramuha ni najo joosi jiriba ja njabulo huji huli ni najo. (1 Abakorinto 15:37-41). Omubiri ogu Yesu galamuha ni nagwo sigwa nyama aye gwa mwoyo. Omubiri ogwo gwa mwigulu coka Yesu ni galamuha gaali anjanga ohuloma, ohulya, ohuboneha era ng'omuutu n'amwabaabaho afaania ati dala anjamba hu mubiri gw'omuutu. Ohutusaho ti nali njajuma hiitu hyosihyosi ehyali ni hijanga ohumuhingirira oba ohumutigalira ohwingira oba ohubita anjagamo n'osinjosi hahibe hiteepe oba olwigi. Gaali anjanga ohugenda ohujwa mu hifo omu ali gatiina mu hindi cooka omuutu n'atamuweene (Matayo 28:5-10; Luka 24:30-43; Yowane 20:19-27; Ebikolwa by'Abahwenda 1:9-11; 1 Abakorinto 15:49). Hwesi

Contents

	Page
1. Hiwumbe	1
2. Tiriniti	2
3. Hiwumbe Seefe	4
4. Hiwumbe Omwana	4
5. Omwoyo Omwabule	8
6. Ebbayibbuli	10
7. Abaatu	12
8. Ehibi	13
9. Ohunonjoha	14
10. Ohwabuliwa	16
11. Ohubatisiwa	17
12. Ohwigerera hu meeza ya Hiwumbe	19
13. Ohulomba	19
14. Ehumbanero ly'abaatu ba Hiwumbe	21
15. Obufumbo	23
16. Egulu	24
17. Geyeena	25
18. Ohulamuha hw'abafu	26
19. Sitaani	28
20. Amadiini Agandi	29
21. Enjagamo y'Ehyalo	30

Hiwumbe



Ebbayibbuli esomesa yiiti naliŋo Hiwumbe mulala yenyeene (soma Ehitabo Hyamagambi 4:35,39; 6:4; Ezabbuli 86:10; Yisaaya 46:9; 1 Abakorinto 8:4) Abagalatiya 3:20). Hiwumbe Mwoyo (soma Yowaane 4:24). Nabulaŋo owaali n'aweeneho Hiwumbe (soma Yowaane 1:18).

Hiwumbe nj'owawumbire ehyalo, elyuba, n'eminienji. Nindi nj'owawumbire ebiitu byosibyosi ebimera, esolo ko n'abaatu. Nindi buhomya weene nj'owawumbire ebiitu byosi ebiboneha n'ebitaboneha (soma Etagiha y'Ehyalo 1-2; Ebikolwa by'Abahwenda 17:24-26). Hiwumbe aberereraŋo hiisi ludaalo— gaaliŋo nindi gaaja huberereraŋo mirembe n'emirembe (soma 1 Timoteewo 1:17; Ebibono ebi Yesu Gahwehuliye Yowaane 1:4).

Hiwumbe munaŋi era abula hibi ehi ahola (soma Yisaaya 6:3; 1 Petero 1:15-16). Hiwumbe ali hy'enjase abulaamo hirema (1 Yowane 1:5). Olwohuba Hiwumbe abula hibi aŋalanira erala ebibi ebi baatu bahola (Engero 6:16-19; Zakariiya 8:17), era gaaja husalira hiisi muutu omusango olw'ebibi ebi ahola gahena nasi gebbwaga/genenya (Yowane 3:36; Abarooma 1:18-19). Hiwumbe ali hiisi naatu era abona hiisi hiitu (Yeremiya 23:23-24). Nabulaŋo muutu yesiyesi aŋanga ohwehweha Hiwumbe saamubona (soma Zabbuli 139:7,12; Abebbulaniya 4:13). Hiwumbe ali n'obuŋangi nindi aŋanga ohuhola hiisi ehi aba ni gendire. Nabula ali n'obuŋangi ohuhira Hiwumbe (soma Yeremiya 32:17,27; Matayo 19:26; Luka 1:35-37; Ebibono ebi Yesu Gahwehuliye Yowaane 11:17). Hiwumbe amanya ehija ohubaŋo ni hitoola hubaŋo (soma Yisaaya 48:3,5). Hiwumbe sigehubbira n'asalira abaatu

ngu! (2 Petero 2:17), enyanja ey'omuliro (Ebibono ebi Yesu Gahwehuliye Yowaane 20:14-15). Abo aba Hiwumbe aliŋindiha mu geyeena baliba mu biguudyo ebyene eby'amaani era ni batasuna huŋuumula (Matayo 22:13; 25:30; Mariko 9:43,47-48; Ebibono ebi Yesu Gahwehuliye Yowaane 14:11; 20:10).

Ohulumuha hw'abafu

Yesu Kurisito galamuha (1 Abakorinto 15:3-5) era ohulumuha huhwe nj'omusingi ohwemereeye etegeha hasiigu eyi Hiwumbe gahola ohunonola abaatu mu bibi n'ohuŋangula amaani g'ohufa. Abafugiiririra Yesu baliramuha ni bambaaye obulamu obunyaaha (1 Abakorinto 15:12-19) era ehibono hino ehy'ohulumuha hihulu bugali weene mu Maŋuliro Amalaŋi agaŋamba hu Yesu Kurisito (1 Petero 1:3-5).

Yesu nj'owaali omudaayi ohulumuha ohuba omulamu emirembe n'emirembe era ohulumuha huhwe habonero ahalaga haati ehiseera ni hiryola bosibosi abamufugiiririra baliramuha (1 Abakorinto 15:20-23). Hiwumbe galagira mu magambi aga gaŋambya Musa ati ebiryo ebi behereranga ohutusa mu muga oba ohugesabaŋiranga mu nyumba nandi mu sengeri lya Hiwumbe nga babinjaye ng'eŋongo ey'ohwebasa Hiwumbe olw'erima ly'omwaha ogwo (Ehitabo hy'Abaleevi 23:10-11). Hino hyalinga hiraga hiiti n'ebiryo ebisigaayeyo mu muga baali babinjoneeye Hiwumbe. Mu ngeri nj'enyene ohulumuha hwa Yesu habonero ahahahasa haati abaatu bosibosi abamufugiirira baliramuha ng'olu niye omwene galamuha. (Abekolosaayi 1:15,18; Ebibono ebi Yesu Gahwehuliye Yowaane 1:5).

Ebbayibbuli etambisa nana ni naŋala ehy'ohuboneraho hy'ohugesabaŋiranga n'eba n'enyonyola hu hulamuha hw'abaatu. Ohufaanana hy'omulimi olu agha ebiryo gabiŋira engo gabibunga hu mwega, Yesu n'aligobola hu hyalo omulundi ogwohubiri abamufugiirira n'abatamufugiirira baliramuha era babahumbania bebunga nala mu moni jije hy'ebiryo olu babigesa babihumbania

bamugondera baja huba balamu emirembe n'emirembe ni bali mu wahabaha obwomwigulu (Matayo 7:21; 19:28-30; Mariko 9:47; Yowane 3:14-16,36; 17:2-3; Ebikolwa by'Abahwenda 14:22; 1Abakorinto 6:9-10). Yesu gatiina mwigulu ohututegehera ehifo efe abamwefugiriramo (Yowane 14:2-3). Eyo peyihuja ohuba emirembe n'emirembe ni huli ni Musengwa yeeffe (1 Abasesalonika 4:17) era hubone Hiwumbe moni hu moni (Matayo 5:8; Ebibono ebi Yesu Gahwehuliye Yowaane22:4). Mwigulu eja hubaayo obulamu w'enjabulo. Eyo ebula hufa, hunakujala, hulira oba obulumi wosiwosi (Ebibono ebi Yesu Gahwehuliye Yowaane21:1-4). Mwigulu hifo hy'abaatu abahola ebituufu (2 Petero 3:13) n'ohuqumula (Ebibono ebi Yesu Gahwehuliye Yowaane 14:13), hifo hya butangaafu n'enjono lya Hiwumbe (Ebibono ebi Yesu Gahwehuliye Yowaane 21:23; 22:5).

Geyeena (hifo eriba ohubonaabona ohw'emirembe n'emirembe)

Ebbayibbuli yisomesa yiiti hiisi muutu atafugiiririra Yesu Kurisito alitiina mu hifo ehi balanga baati "Geyeena." Eyo peyi baatu balifanihisya obusungu wa Hiwumbe mu wijufu era baliba mu hubonerera ohutahoma olw'ebibi byawe (Matayo 25:46; 2 Abasesalonika 1:8-9; Ebibono ebi Yesu Gahwehuliye Yowaane 14:6-12).




Mu Bbayibbuli egeyeena bayinyonyolaho mu ngeri nyingi hya yino: omuliro ogutasima (Matayo 25:41), enjirema enjambire yiiti

emisango (soma Zabbuli 98:9; Yowane 5:26-27,30; 1 Petero 1:17; Ebibono ebi Yesu Gahwehuliye Yowaane 20:11-15).

Hiwumbe asinga hiisi muutu amagesi (1 Abakorinto 1:25; 2:6-11). Buhomya njabula amanyire Hiwumbe mu wijufu (Ehyamagambi 29:29; Yisaaya 55:8-9; Abarooma 11:33-34). Hiwumbe amanyire hiisi hiitu (1 Yowane 3:19-20; Ebibono Ebi Yesu ga Hwehulira Yowane 2:23). Hiwumbe agumikirisa (Ohunwa e Misiri 34:6,7; Abarooma 4:4; 2 Petero 3:9). Hiwumbe saacuuhacuha (soma Ohubala 23:19; Malaki 3:6; Abebbulaniy 13:8; Yakobbo 1:17). Dabulaano muutu yesiyesi ali hya Hiwumbe (2 Samwiri 7:22; 1 Emirembe j'Abahabaha 17:20; Yisaaya 40:13-25; Yeremiya 10:6-7). Hiwumbe genda abaatu abagawumbire nindi yeesi genda abaatu bosu bamwende era bamulombe (Ehyamagambi 6:13; 33:3; Matayo 22:37; Yowane 3:16; 1 Yowane 4:8,16; Ebibono Ebi Yesu ga Hwehulira Yowane 4:11).

Tiriniiti ("Owa Hiwumbe obulala mu budatu") (Hiwumbe Seefe, Hiwumbe Omwana ni Hiwumbe Omwoyo Omwabule)



Dalijo Hiwumbe mulala yenyene (Ehyamagambi 6:4; 1 Abakorinto 8:4), aye nga alimo obubbala budatu.

Yesu humulanga mwana wa Hiwumbe aye sihy'omwana olu aba n'abasaaye. Ebbayibbuli n'eroma yiiti "Omwana wa Hiwumbe" era Hiwumbe nje "Semwana", hitegeesa hiiti bombi banjambire era

bafaanana bugali weene nindi bahola hirala (Yowane 1:29-34; Yowane 5:16-18; Yowane 10:31-39). Hiwumbe ni Yesu baba njalala mu bibanjega n'ebi bahola hiisi ludaalo. Hiwumbe ko n'awumba ehyalo Yesu gaali njalala ni naye era bahiwumba bombi

(soma Abebbulaniya 1:3,9; Yowane 1:1-3,14,18; 14:7-11; 17:1-5, 24).

Daliŋo omuutu owohudatu afaananira eralala ni Seefe ni Yesu olwohuba ti bahola hirala. Omwoyo Omwabule yeesi gaaliŋo Hiwumbe ko n'awumba ehyalo (soma Etagiha y'Ehyalo 1:2,26). Yesu n'ahenire ohulamuha ohuŋwa mu magombe ni gaagemeyo ewa Semwana mwigulu, gatuma Omwoyo Omwabule ohuuja ohumenya mu hyalo muno. Mungeri yino Yesu aba n'abamwefugirira hiisi nyanga n'abita mu mwoyo Omwabule (soma Matayo 28:18-20; Yowane 14:15-17,26; 15:26; 20:22; Ebikolwa by'Abahwenda 2:1-4,16-18,32-33; 16:6-7).

Seefe batera ohumulanga baati, "Hiwumbe" (Abefeso 1:2-3; 1Petero 1:2). Aŋandi bamulanga baati, Omunoŋosi oba Omununuzi" (soma Yisaaya 63:8-10,16). Hiwumbe Mwoyo (soma Yowane 4:24).

Yesu Kurisito yesi ebbayibbuli emulomaho bulani weene yiiti Hiwumbe (soma Yisaaya 9:6; Yowane 1:1; Abakolosaayi 2:9; Abebbulaniya 1:8) aŋandi bamulomaho nga Omunoŋosi weefe era oyo owatunoŋooye (soma Yowane 4:42; Tito 2:13-14). Yesu geraga ati, Hiwumbe n'alangirira ohusoniŋa abaatu ebibi (soma Mariko 2:1-12).

Omwoyo Ebbayibbuli emulomaho yiiti Hiwumbe (soma Ebikolwa by'Abahwenda 5:3-4; 1 Abakorinto 3:16; 12:6,11).

Ni naaŋo Hiwumbe Seefe, Hiwumbe omwana, ni Hiwumbe Omwoyo Omwabule bali muutu mulala ate nga bosibosi hubalanga huuti Hiwumbe (soma Matayo 28:19; 1 Abakorinto 12:4-6; 2 Abakorinto 13:13(14)).


Ebbayibbuli yeyongera ohusomesa yiiti omusinde n'omuhasi wuwe batehwa ohwendana nindi ni bajejana eŋono. Hibi omusinde oba omuhasi ohubbwaga ebi balayiye ni bafumbiriganwa (*Malaki 2:13-16; Abafeso 5:21-33; Abakolosayi 3:18-19; Abebbulaniya 13:4; 1 Petero 3:1-7*).

Ng'olu Yesu gendamo ehumbaniro ly'abaatu ba Hiwumbe (abakurisitaayo), abasinde boosi baŋire hino ng'ehyohuboneraho bende baaty o abahasi baawe. Era ng'olu abaatu ba Hiwumbe bafugiiirira Kurisito era bamugondera n'abahasi boosi baholenga baaty ni baŋa abawamwawe eŋono era ni babagondera (Abafeso 5:22-33).

Singa omusinde oba omuhasi afa ebbayibbuli eroma omufiire aŋanga ohuhwa oba gafumbirwa nindi (Abarooma 7:2-3).

Hanye omukurisitayo genda ohuhwa oba ohufumbirwa **ali n'ohuhihola** n'omukurisitayo wahye (1 Abakorinto 7:39; 2Abakorinto 6:14-15). Omukurisitayo saatehwa hunobagana n'atali mukurisitayo banaba ni bafumbiriganwa ni bahiiri hufugiiirira singa baba bali ŋalala mu mirembe (1 Abakorinto 7:12-16).

Egulu



Ebbayibbuli yitusomesa yiiti egulu nj'ehifo ehi Hiwumbe amenyiremo (Ehitabo hya Magambi 26:15; *Zabbuli 115:3; Matayo 5:16,34; 6:1,9*) Abamalayika babe boosi peyi bali (Matayo 24:36; 28:2). Ebi Hiwumbe genda nj'ebibahola mwigulu (Matayo 6:10).

Hiwumbe gasuubisa ati abaatu abafugiiirira Yesu Kurisito era

by' Abahwenda 14:23; 15:2,4,6; 20:17,28; Abafiriipi 1:1; 1Timotewo 4:14; 5:17-19; Yakobbo 5:14). Abaatu bano bali n'ohwebisya bulaji ng'olu Hiwumbe genda era babe ehy'ohuboneraho eyiri abo aba batangiririra (1 Timotewo 3:1-13; Tito 1:6-9; 1 Petero 5:1-3).

Hiwumbe ali n'amasiina mangi aga alanga Amahumbaniro g'abaatu ba Hiwumbe hya gano: Omubiri gwa Kurisito (Abakolosayi 1:18), Omugole wa Kurisito (Abafeso 5:22-33; Ebibono ebi Yesu Gahwehuliye Yowaane 19:7-9; 21:2,9), Etaama ja Hiwumbe (1Petero 5:2-3), ehibuga ehigwalafu (Ebibono ebi Yesu Gahwehuliye Yowaane 21:2,27), Omuga gwa Hiwumbe (1 Abakorinto 3:7-9), Enyumba ya Hiwumbe (1 Abakorinto 3:9-15), Abomu nju ya Hiwumbe (Abafeso 2:19; 1 Timotewo 3:15).

Obufumbo

Ebbayibbuli yegeresa yiiti, "Hiwumbe nj'owatajo obufumbo olw'ehyo abaatu bali n'ohuja obufumbo enono" (Etandihwa y'Ehyalo 1:27-28; 2:22-24). Omusinde n'omuhasi abafumbo sibatehwa hunobagana, wayire nga hyefugirirwa singa nga mulala hubo aba aholire obuhwedi (Matayo 5:32; 19:3-9).



Hiwumbe ahalana ohunobagana hwa bafumbo (*Malaki 2:16*). Omusinde n'omuhasi batehwa ohwegaata halala ni bafumbirigenwe. Ohwegaata halala ohw'omusinde n'omuhasi ni batali bafumbo oba kadi mubiyeego obunyeego hibi era obwo buba buhwedi (Matayo 5:27-28; 1 Abakorinto 7:2; 1 Abasesalonika 4:3-8).



Hiwumbe Seefe- (Hiwumbe)

Ebbayibbuli yegeresa yiiti, abaatu aba Hiwumbe ganojola bananga bamulanga baati "Seefe" (soma Ehitabo hy'Amagambi 32:1-6; Abarooma 8:15-17; 1 Yowane 3:1). Seefe ali mwigulu nj'oyo eyi huloma naaye ni huba ni hulomba (soma Matayo 6:9). Hiwumbe Seefe sabbenga (soma Yisaaya 64:8) era atwenda bugali weene (soma Yisaaya 43:1-6). Mu hutwenda Seefe Hiwumbe asinga n'abasaaye beefe (Yisaaya 63:16; 49:14-16). Seefe ali mwigulu aleegera abaana babe ko banange ohuba ti bamunulira era bamugondera (soma Yobbu 5:17; Engero ja Sulemaani 3:11-12; 2 Samwiri 7:14-15; Abebbulaniya 12:4-11). Hiwumbe Seefe genda humwendule, humwende era humunulire. Hiwumbe ali n'obunangi oweene obungi era nj'anuga hiisi hiitu (soma Ezabbuli 62:11; Ebikolwa by' Abahwenda 17:24-28; Ebibono Ebi Yesu ga Hwehulira Yowane 19:1). Era Hiwumbe nje Semwana wabo ababula abasaawe hu hyalo huno (soma Ezabbuli 68:5-6). Hiwumbe wahisasabirisi era Seefe oyo genda abaana babe (soma Ezabbuli 103:11,13; Yisaaya 46:3-4; Luka 6:36; Yowane 14:21,23; 16:27; 1 Yowane 4:14,16).

Hiwumbe Omwana

Ebbayibbuli yiranga Yesu yiiti, "Mwana wa Hiwumbe", hitegeesa hiiti Yesu anjeranjerana ni Hiwumbe (soma Mariko 3:11-12; Yowane 5:16-18; 10:22-39). Aye Hiwumbe sigasaaye Yesu ng'olu mwana abasaaye babe bamuasaala. Hiwumbe sigawumba



huwumba Yesu aye Yesu galiŋo ohuŋwa hale n’ohwosa hatyane (soma Yowane 1:1-14). Hiwumbe ni gaali n’awumba ehyalo, gahiwumba n’abita mu nje Yesu (soma Yowane 1:10; Abakolosaayi 1:15-17). Yesu nje Hiwumbe (soma Yowane 1:1; Abakolosaayi 2:9; Abebbulaniya 1:8). Yesu gefugirira ohuja mu hyalo muno era bamusaala ng’olu bassala abaana ba baatu. Malyamu nj’owasaaye Yesu aye ŋabula musinde yesiyesi eyi Malyamu gegaata ni naye ko basaale Yesu. Malyamu gasuna ehida olw’amaani n’obuŋangi w’Omwoyo Omwabule (Matayo 1:18-25; Luka 1:26-38). Ne Hiwumbe ni Malyamu sibaali bafumbo. N’olwehyo Yesu gaali muutu n’ali (Mwana w’Omuutu nindi mu hiseera ce hyene n’ali (Mwana wa Hiwumbe) (soma Yisaaya 9:6; Danieri 7:13-14; Mariko 2:10,28; Luka 18:31; Yowane 3:18; 6:27; 14:1,9-11).

Emyaha emyene mingi Yesu ni bahiri humusaala, Hiwumbe gamanyisa abanabbi ebyali ni bija ohubaŋo. Abanabbi balangiriye baati Hiwumbe gaaja huŋeresa “Omunoŋosi”/ “Kurisito”/ “Oyu bajuhaho Amafuta” nandi oyu Hiwumbe gafujaho amate ohuba omunoŋosi w’Abayudaaya nindi ko alooseho abaatu bosibosi mu hyalo (soma Matayo 16:16; Yowane 1:11-12; Ebikolwa by’Abahwenda 2:36; 10:34-35,43; Abarooma 1:16). Yesu ni gaaja (oludaayi) goheresa bingi hu bi banabbi bamulomaho ebi huŋanga ohusomaho mu ndagano ekayire (Luka 24:25-27,44-49; Ebikolwa by’Abahwenda 3:18).

ohulomba Hiwumbe naali ŋalala n’abahye abandi abafugiirira Yesu (Abebbulaniya 10:25).

Mu ndaalo jino ŋaliŋo amahumbaniro g’abaatu ba Hiwumbe abakurisitayo ag’esibo n’esibo aye omubiri gwa Kurisito guli mulala (Abagalatiya 3:27-28; Abafeso 4:3-4). Sihwali hwenda hwa Hiwumbe ti Ehumbaniro ly’Abaatu ba Hiwumbe (omubiri gwa Kurisito) lyesalesalemo (Yowane 17:20-23; 1 Abakorinto 1:10-13; Abakolosayi 3:11-15). Aye ng’abalebe mu Kurisito, huli n’ohwendana hahibe ti huli n’efugiirira ejitafaanana. Mu Ndagano Epyaha sihwaganamo njabuhana mu hufugiirira, aye abo bosibosi abaali mu mubiri gwa Kurisito mu hiisi hibuga bajanga ŋalala ni bahumbanira mu mago, oba mu bifo ebindi eby’ohuhumbaniramo n’olu hyali ti ŋabulafu mu musaala (Ebikolwa by’Abahwenda 2:46; 8:1,3; 13:1; 16:13; 19:8-9; 20:17; Abarooma 16:5,23; 1 Abakorinto 1:2).

Abo bosibosi abaali mu Humbaniro ly’abaatu ba Hiwumbe (Omubiri gwa Kurisito) baali batehwa ohulomba n’ohujumirya Hiwumbe, ohwendana, ohwebisya n’ohuhola bulanji nindi n’ohulomeraho abaatu bosibosi ebiraŋi ebi Hiwumbe ahola (Matayo 5:16; Yowane 4:23-24; 13:34-35; Abafeso 1:12; 1 Timotewo 2:8-10; 6:18; Abebbulaniya 10:24; 13:15-16; 1 Petero 1:22; 2:9 1 Yowane 3:23; 4:7-12; Ebibono ebi Yesu Gahwehuliye Yowaane 19:4-5).

Yesu nj’omutwe oba omutangirisi w’ehumbaniro ly’abaatu ba Hiwumbe (Abafeso 2:20; 5:23). Aye Hiwumbe ataŋo abatangirisi b’Ehumbaniro ly’abaatu ba Hiwumbe mu hyalo muno. Mu Ndagano Epyaha hwaganamo abahwenda n’abanabbi ng’abatangirisi b’ehumbaniro ly’abaatu ba Hiwumbe (Abafeso 2:19-20; 3:5). Abaŋeeresa abandi ab’enjabulo aba bbayibbuli eromaho nj’ababulizi b’enjiri, abasumba/ababule ko n’abasomesa (Ebikolwa by’Abahwenda 13:1; Abafeso 4:11; 1 Abakorinto 12:28-31; 1 Timotewo 2:7; 2 Timotewo 1:11; 4:5; Yakobbo 3:1). Mu humbaniro era mulimo n’abahayire n’abadikoni (Ebikolwa

omutwe (Ohuŋwa hwa Bayisirayiiri mu Misiri 34:8-9), oba ni gehaye (1Ebyaliŋo mu Mirembe ja Bahabaha ba Yisirayiiri 17:16 ff), oba n'afumaaye ni hali ng'ahabonero h'ohuŋa eŋono (Matayo 26:39). Omuutu aŋanga galomba maŋoleeye Mwoyo Omwabule n'amutangirira. (Abarooma 8:26-27; 1 Abakorinto 14:14-15; Abafeso 6:18; Jude 20). Singa omuutu aba alombera mu nimi hyahali hiraŋi alombe n'ali ŋa yeŋene ohuhiraho n'ali mulwijuuye lw'abaatu mu humbaniro ly'abaatu ba Hiwumbe (1 Abakorinto 14:1-19).

Daliŋo engeri nyingi ej'ohulomba era ejindi hujagana mu bitabo bino (*Nekemiya 1:4-11; 1 Abahabaha ba Yisirayiiri 8:22-54; 2Ebyomu Mirembe j'Abahabaha ba Yisirayiiri 20:5-12; Matayo 6:5-13; Ebikolwa by'Abahwenda 4:24-31; Abafeso 1:17-21, 3:14-19*).

Ehumbaniro ly'abaatu ba Hiwumbe

Ebbayibbuli etulegera yiiti Ehumbaniro ly'abaatu ba Hiwumbe libaamo abaatu bosibosi abefugiririra mu Yesu Kurisito nga Musengwa yaawe era ng'Omunonjosi waawe. Hatyane abefugiririra Yesu nj'abali ng'omubiri gugwe mu hyalo muno (1Abakorinto 12:27-28; Abafeso 1:22-23). Yesu aŋuga ehumbaniro ly'abaatu ba Hiwumbe era genda ehumbaniro ly'abaatu ba Hiwumbe yiye (Matayo 16:18; Ebikolwa by'Abahwenda 20:28; Abafeso 5:23-30; Abakolosayi 1:18). Oyo afugiririra Yesu atehwa



Ebi ŋamba hu Kurisito	Obunabbi	Ohwolerera
Yesu ohusaaliwa e Bbetilehemu	Mika 5:2	Matayo 2:1-6
Omuhaana kabbamba ohusaala Yesu	Yisaaya 7:14	Matayo 1:18-25
Yesu ohusomesa abaatu mu ngero	Zabbuli 78:2-4	Matayo 13:34-35
Yesu nga Nabbi	Ehitabo hy'Amagambi 18:15	Ebikolwa by'Abahwenda 3:20-22
Abaatu ohugaana Yesu	Yisaaya 53:3	Mariko 9:12; Luka 23:13-25; Yowane 1:11
ohumulyamo endyege	Zabbuli 41:9	Yowane 13:18
Esiringi 30	Zakaliya 11:12	Matayo 26:14-16
Gaŋoleeye ni bamuŋjira mu mbuga j'abamagambi ohumuŋosesya	Yisaaya 53:7	Mariko 15:4-5
Bamuhubba era bamufumitafumita	Yisaaya 53:5	Matayo 27:26; 1 Petero 2:24
Enduŋo enyene ey'amaani	Zabbuli 22:15	Yowane 19:28
Bamufumitire efumo n'afuuye	Zakaliya 12:10 Zabbuli 22:16	Yowane 19:34,37; Yowane 20:25,27
Bagabeene engoye jije	Zabbuli 22:18	Yowane 19:23-24
Sibabbwagaho gumba lirye kadi	Zabbuli 34:20	Yowane 19:32-33,36
Ohulamuha	Zabbuli 16:10 Zabbuli 49:15	Luka 24:1-7,36-44; 1 Abakorinto 15:4-7

Yesu galomeeye abaatu amanjuro amalaji agaŋamba hu ngeri eyi Hiwumbe alinonjolamo abaatu. Yesu gahola eby'amaliholiho ebyene ebingi ohulaga ti gaali aŋeraŋerana ni Hiwumbe atenga musaani. Gasoniŋa abaatu ebibi byawe. Gaŋonia abanjoŋfu, n'abegali b'amatwi, ko n'abaleme ohwo. Gabbinga hu baatu

emisambwa. Era galaga obuṅangi hu biitu ebi Hiwumbe gawumba (ehy'ohuboneraho gahayuhiye hibuyaga n'enyanja byateeha). Sigahoma paṅo ṅooka aye galamusa n'abaali ni bafuuye baba balamu nindi (Matayo 9:2-8; 20:29-34; Mariko 1:22-34; 4:37-41; Yowane 5:1-19; 9:1-34; 10:36-38; 11:1-46; 14:6-11; 20:30-31).

Yesu Kurisito gahola ebiitu ebyene bingi ebiraṅi era nj'omuutu yeṅene owamenya hu hyalo hino ataali n'ehibi kadi na ṅadidiri (Ebikolwa by'Abahwenda 3:14; 2 Abakorinto 5:21; Abebbulaniya 4:14-15; 7:26-27; 1 Petero 2:21-22; 1 Yowane 3:5).

Abatangirisi b'ediini baleteeye Yesu ohumwita ni bamuherera hu musalabba. Aye Hiwumbe po gendire atyo, olwohuba nj'eyaali etegeha yiye ko aṅange ohuṅola abaatu (Yowane 10:11; Ebikolwa by'Abahwenda 2:23; 4:27-28). Yesu bamwitire mu hifo hy'etaama y'eṅongo etusaṅo ebibi, konyo Hiwumbe aṅange ohutsoniṅa ebibi ebi huhola (1 Yowane 2:2). Halehale Abayudaaya baṅangayo enyana y'etaama ohuba eṅongo eyatusangaṅo ebibi, olw'ehyo Yesu gaali hy'eṅongo y'enyana y'etaama ehenaga ebibi by'abaatu (Yowane 1:29; Abebbulaniya 9:28). Yesu bamuhubba efaalu ng'aṅo ko bamuherera hu musalabba, ohu gafiiriye. Yesu ni gafuuye ng'aṅo bamusiha aye hu ludalo olwohudatu Hiwumbe gamulamusa era aliṅo mulamu. Era Yesu ni galamuha nga gagamayo mwigulu eri Hiwumbe (Luka 22:63-24:53).

Yesu ni gagameeyo mwigulu nga gehala huluubba olw'omuhono omulungi ohulirihana Hiwumbe (Abebbulaniya 1:3). Yesu ṅahani atulombera eri seefe Hiwumbe (Aberoma 8:34; 1 Yowane 2:1). Yesu aja huba mwigulu ohwosa oludaalo olu Hiwumbe gategihire ati ndolu aligoboleraho hu hyalo omulundi ogwohubiri (Ebikolwa by'Abahwenda 1:10-11; 3:20-21). Luliba lulala Yesu gasalira hiisi muutu ali hu hyalo omusango (Yowane 5:22,27-30; Ebikolwa by'Abahwenda 10:42; 17:30-31).

engira etwosa ewa Hiwumbe (Yowane 16:24). Huli n'ohusunga ebiitu ebi Hiwumbe atwendehesa. Genda hulombe ebyo ebiṅanga ohuletera abaatu ohumujumirya (1 Yowane 5:14-15). Huli n'ohugesyaho ohulomba Hiwumbe n'ohubona ti huli basangaafu olw'ebyatuholera habuhyabuhya (Abafeso 6:18; Abafiriipi 4:6; 1 Abasesalonika 5:16-18).

Mu Yowane 17 mulimo ndala hu saala ja Yesu. Hatyane Yesu gehaaye ohulirihana Hiwumbe huluubba olw'omuhono omulungi era atulombera (Yowane 17; Abarooma 8:34; Abebbulaniya 7:25).

Omwoyo Omwabule ayeeda abakurisitayo ohulomba nindi Omwoyo Omwabule oyo atulombera (Abarooma 8:26-27; Abafeso 6:18).

Ni huba ni hwenda ti Hiwumbe atuṅulire huli n'ohulomba ni huli n'emyoyo ejibulamo kirihindi (*Zabbuli 66:18-20*; 1 Petero 3:7). Hiwumbe saagobolamo abo abumulomba ni begwanisa (Yakobbo 4:2-3). Nindi Hiwumbe saagobolamo hulomba hwa baatu aba buusabuusa obuṅangi wuwe ohubayeeda (Yakobbo 1:5-8; Mariko 11:22-24). Singa omusinde saabisya bulaṅi omuhasi wuwe n'amuṅa eṅono, ohulomba huhwe sihwola eri Hiwumbe n'omuhasi yeesi atyo (1 Petero 3:7). Hiwumbe aṅulirisa ohulomba hwabo abeṅooyo ate abeninya (Luka 23:39-43; 18:9-14; Yakobbo 4:6).

Huli n'ohulomba ni hweṅomehire, polapola ate ni huli aṅa hweka (Matayo 6:5-13). Ne nindi hiraṅi ohulomba ni huli ṅalala n'abahyefe abafugiirira Kurisito (Matayo 18:20; Ebikolwa by'Abahwenda 1:13-14; 16:13) era hulombenga nga amago (Ebikolwa by'Abahwenda 21:5). Bahyange hiisi muutu alomberengaho owahye (Yakobbo 5:14-18).

Ebbayibbuli etulegera yiiti omuutu aṅanga galomba ni gemereeye (*Nekemiiya 9:5*; Etandihwa y'Ehyalo 24:12-13; Mariko 11:25), oba n'aṅanihire emihono (1 Timotewo 2:8), n'ahubbire amafuuha (*Ezera 9:5*; Abafeso 3:14-17), oba n'ahotamisye

Efe ng'Abakurisitayo ni hwetaba mu muhiji guno huba hweyaasa era ni huhebulira huuti ebibi byefe Hiwumbe gahenire ohutusionja olwohuba ti Yesu gatufiririye. N'olwehyo Hiwumbe saaja hutuŋa hidambyo hy'ohufa ehi tusanira olwohuba ti Yesu gafuuye mu hifo hyefe. Yesu galabiiye Abeegi babe ati, bahebulirenga endagano yiye yino epyaha eyi gaali n'atayeŋo ey'ohufa ni baliira ŋalala ehiŋulo



(muhiji gw'ohwigerera hu meeza ya Hiwumbe). Abakurisitayo betaba mu muhiji guno ni bahebulira baati, Yesu gafuuye huba ng'eŋongo ely'enyana y'etaama eyi betanga olw'ohutusaŋo ebibi by'abaatu. Yino nj'engeri eyi hulaga mubutuufu hwefugirira ti omubiri gwa Yesu bagwitire era n'amafugi gage gajujuha ohuba endiŋi olw'ebibi byefe. Abakurisitayo balya omugaati banywa n'envinyo olw'ohuhebulira ohufa hwa Yesu (Matayo 26:26-28, Luka 22:19-20; 1 Abakorinto 10:15-17). Abakuritayo bali n'ohuholanga baatyohwosa olu Yesu aligobola (1Abakorinto 11:23-26). Ale mwetege olwohuba abetaba mu muhiji guno bali n'ohwehebera ohubona ti bali huhola ehituufu (1 Abakorinto 11:27-34).


Ohulomba

Ebbayibbuli esomesa yiiti Hiwumbe aŋulirisa abaatu abamulomba singa baba balombire ni babita mu siina lya Yesu (Yowane 14:12-14; 15:16; Yakobbo 5:14). Ohulomba mu siina lya Yesu hitegeesa hiiti olomba ng'olu Yesu gahalombire oba ohulomba ng'olu Yesu alomba (Matayo 18:19-20). Nindi hino hitegesa hiiti hwesiga Yesu owatwiguliyenjo



Omwoyo Omwabule

Omwoyo wa Hiwumbe gaaliŋo ohuŋwa ahale n'ahale era po baali baatyohwosa ni batonda ehyalo (Etandiha y'Ehyalo 1:1-2; Ezabbuli 104:30). Omwoyo Omwabule aloma n'abaatu (Ebikolwa by'Abahwenda 8:29; 11:27-28; 13:2; 21:9-11). Omwoyo Omwabule



ahubbirisa abaatu, era abalomera ehiranji n'ehibi, gabayeeda ohufania ehituufu hu Hiwumbe nindi gabalagiirira aŋa basaniiye ohuja era n'ehi baseene ohuhola (Yowane 16:7-8,13; Ebikolwa by'Abahwenda 16:6-7). Omwoyo Omwabule anakuŋala n'abona abaatu ni bahola ebiitu ebibi nindi ni bajeemera Hiwumbe (Abefeeso 4:30). Hiwumbe aŋa abaatu abamwefugirira Omwoyo Omwabule ng'ahabonero ahalaga ti babe. Hiwumbe aŋa abaatu omwoyo Omwabule ng'ehirabo ehidaayi ehy'ekabi jije, ehi baatu bali suna ni bahenire ohunoŋolewa (Abefeeso 1:13-14).

Ebbayibbuli esomesa yiiti mu ndaalo jino Hiwumbe ahola emirimo jije mu hyalo n'abita mu Mwoyo Omwabule (Yisaaya 63:7-14). *Mu ndagaano ekayire Omwoyo ba mulomaho ng'ahabonero ahalaganga ti Hiwumbe aliŋo (Zabbuli 139:7).* Aye Omwoyo wa Kurisito (Omwoyo Omwabule) galomanga n'abita mu Banabbi abaali ni baliŋo (1 Petero 1:10-11). Omwoyo Omwabule aleetera abaatu ohuba n'amaani ga Hiwumbe (Luka 1:35; 4:14; 24:49; Ebikolwa by'Abahwenda 1:8; 10:38; Abarooma 15:19).

Yesu ni gaali n'ahiiri hutagiha mirimo jije ej'ohusomesa, ohuŋonia n'ohubbinga emisambwa hu baatu Omwoyo Omwabule gamwihireho naali hy'eŋuusi (Luka 3:22-23). Omwoyo Omwabule gaŋa Yesu obuŋangi obugatambisanga ohuhola

emirimo naali hu hyalo (Luka 4:14-19) n'ohuhola eby'amaliholiho (Matayo 12:28; Ebikolwa by'Abahwenda 10:38). Nindi Yesu omwene ni gaali ko n'atiina mwigulu galoma abeege babe ohulindirira era ni balomba ohwosa olu bali suna amaani ago Mwoyo Omwabule (Luka 24:49; Ebikolwa by'Abahwenda 1:4-8; 2:1-4). Aye Omwoyo Omwabule ni gabehireho nga basuna amaani ohubuulira Amanuliro Amalanji n'obujangi ohuhola eby'amaliholiho (Ebikolwa by'Abahwenda 4:31; Abebbulaniya 2:4).

Omuutu anafugiirira Yesu Kurisito gafuuha omukurisitayo, omuutu oyo, Omwoyo Omwabule aba amusaaye omulundi ogwohubiri (aba Anonohire) (Yowane 3:3-7; Tito 3:5). Hino hitegeesa hiiti Omukurisitayo oyo aba ali n'Omwoyo Omwabule era n'ali muutu wa Hiwumbe (Abarooma 8:9). Olwo nahani Omwoyo Omwabule aba nj'amutangiririra era n'amulungama ohwo gongeraho n'ohumuleegera (Yowane 14:26; 16:13; Abarooma 8:14). Omwoyo Omwabule ayeeda abaatu ohujangula ehibi/ n'ohwegomba ohubi (Abarooma 8:13; Abagalatiya 5:16-18).

Singa omuutu aba afugiwa n'Omwoyo Omwabule esambo jije n'enebisya bibonehera mu ngeri eyi abamo mu bulamu buwe owa habuhuyabuhya (Abagalatiya 5:22-25; Abefeso 5:18-21). Omwoyo Omwabule ayeeda abaatu mu hulomba era abalomberaho (Abarooma 8:26-27; Abefeso 6:18; Yuda 20-21). Omwoyo Omwabule asiiba naja Yesu enono era n'amujumirya (Yowane 16:14). Abakurisitayo sibatehwa hujahania ebi Omwoyo Omwabule ahola (1 Abatesolanika 5:19-21).

Omwoyo Omwabule aja abo abafugiirira Yesu Kurisito ebirabo ebitafanana. N'abaatu abasuna ebirabo bino batehwa ohubitambisa ohuyeeda abahyawe ohweyongera ohuhula mu bukuritayo nindi balomereho ni naabo abahiiri husuna bubaha w'Amanuliro Amalanji aganjamba hu Musengwa yeefe Yesu (Abarooma 12:6-8; 1 Abakorinto 12:4-31, n'esuula eya 13 ne 14).

ebibi byawe (Matayo 3:7-11; Mariko 1:4-5; Luka 7:29-30; Ebikolwa by'Abahwenda 19:4). Aye bamubatisa n'amaaji silwahuba ti gaali n'ebibi oba gaali genda ohwenenya, aye hyali hyetagisa ohulaga abaatu ehy'ohuhola (Matayo 3:13-17).



Yesu galagiiya abeege babe ohubatisanga abo bosibosi abamwihirihisamo (Matayo 28:19; Mariko 16:16; Ebikolwa by'Abahwenda By'Abahwenda 8:12-13). Aye Yesu omwene sigabatisa abamufugiririra aye Abeege babe babatisa abafugiirira olufanyuma lwa Yesu ohutiina mwigulu (Yowane 4:2). Ohubatisiwa hwengeri yino habonero ahalaga haati Hiwumbe aba asoniire ebibi byawe era huholewa hu lwa Hiwumbe (Hiwumbe Seefe, Hiwumbe Omwana ko n'Omwoyo Omwabule: Matayo 28:19; Ebikolwa by'Abahwenda 2:38,41; 8:36-38; 9:18; 10:47-48; 16:14-15,31-33; 18:8; 19:4-5; 22:16).

Ohubatisiwa hulaga ti omuutu ajooye mu bulamu ow'ehibi genimba nalala n'ehibububu hya bafugiririra Yesu, era hino hiba husiha esambo embi eji muutu abaaye n'ahola gasuna obulamu obunyaaha mu Yesu (Abarooma 6:1-4; 1 Abakorinto 12:12-13; Abagalatiya 3:27; 1 Petero 3:21).

Aye ohubatisiwa ohw'Omwoyo Omwabule Yesu gahuholire n'ahenire ohulamuha (Matayo 3:11; Mariko 1:8; Luka 3:16; Yowane 1:33; Ebikolwa by'Abahwenda 1:5; 2:1-21; 8:15-22; 10:44-47; 11:15-18; 19:1-6).

Ohwigerera hu meeza ya Hiwumbe (guno muhiji gw'ohuhebulira ohufa hwa Yesu)

gugwe ne biñeego ni biri bigwalafu n’ahiri hu hyalo huno n’abita mu huba mugondi, mwegenderesa n’ohuba owe sambo endanji aye hino saahihola hu lulwe omwene ohutusaho ti Omwoyo Omwabule amuyeeda (1 Abakorinto 9:24-27; 1 Abasesalonika 4:1-8; 1Timotewo 4:7-8; 2 Timotewo 2:19-25; 2 Petero 3:14; 1 Yowane 3:1-3). Olwe hyere hya Hiwumbe, aja hutuboneresa ko hituyeede ohuba mu bulamu obugwalaafu era atwabulemo ng’abaatu babe (Tito 2:11-14).

Ekolagana yeefe ni seefe Hiwumbe seeriño olwohuba ti humutya aye lwahuba ti atwenda (Abarooma 8:15; 1 Yowane 4:17-18). N’edembe eri huli ni nalyo mu Kurisito sihitegesa ti huli n’ohubbenga oba ti Hiwumbe saali n’ohutuboneresa ni huba ti hubbengire (Abagalatiya 5:13; 1 Timotewo 5:20; Abebbulaniya 12:1-17). Hiisi hiitu ehi huhola huja huba ti huhinyonyola mu moni ja Hiwumbe (Yeremiya 17:10; Zabbuli 2:11-12; Abarooma 14:10-12).


Singa huja Hiwumbe eñono nga Hiwumbe omulañi ni Yesu nga Musengwa yeefe, hituyeeda ohufania ehibi n’ohuhigaana (*Engero 8:13; 16:6; 2 Abakorinto 7:1; 1 Petero 1:17-19; 3:15-16*).

Omuutu yesiyesi singa aba ti gefugiririra mu Yesu, omuutu oyo ali n’ohulaga ehyali n’amugondera. Era ali n’ohwenda abaatu bosibosi omwo n’onjiriyemo n’abasigu babe (Matayo 5:43-44; Luka 6:27). Omuutu afugiririra Yesu asoniña abo ababa ni bamusunguñahise era sañeega hu hya hwegalula (Abarooma 12:17-21; Abafeso 4:31-32). Era omuutu oyo aholo biranji byereere olwohuba ti aba gesiima olwehyere ehi Hiwumbe amunja (Abafeso 4:17-29; Abebbulaniya 12:28-13:18).

Ohubatisiwa

Mu ndaalo jino abakurisitayo bali n’engeri nyingi ejo hubatisiwamo. Aye mu ndagano epyaha husoma huhubatisa hwa Yowane ohugabatihisanga mu lwabi (Matayo 3:6). Yowane gabatisanga abaatu nga ahabonero ahalaga haati baali benenyisye

Omwoyo Omwabule aña abaatu ohuhola emirimo/ obunjereesa/n’ohutangirira ebitongole ebitali bya ngeri ndala hino hibayeede hiisi mulala ohugumya owahye ko n’ohuhula mu by’omwoyo, mu bulala n’ohwendana (Abefeso 4:11-16).



Ebbayibbuli (ehitabo hya Hiwumbe)

Ebyañandiihiwa mu bbayibbuli biñwa eri Hiwumbe era byamugaso olw’ohusomesa abaatu ehituufu, ohunjenja ababbengire, ohugolola esobi n’ohusomesa abaatu engeri ey’ohwehuma ohutagwa mu sobi

aye behuume ni bali balunamu (2 Timotewo 3:14-17; 1Abasesolanika 2:13; 2 Petero 1:19-21). Ehibono hya Hiwumbe hija hubereranjo emirembe n’emirembe (Yisaaya 40:8; Matayo 24:35). Ehibono hya Hiwube hiri n’amaani. Ehibono hino hiraga ebirani ebi baatu bahola n’ebineego byawe (Yeremiya 23:29; Abebbulaniya 4:12).

Mu butuufu obwene ñabulaño muutu yesiyesi añanga ohubaño añabula hibono hya Hiwumbe (Ehitabo hy’Amagambi 8:3; Matayo 4:4). Abaatu abatefugirira Yesu baba banofu mu mwoyo era Sitaani abadulinga bugali naasibategera Amanuliro Amalaji aga Yesu (1 Abakorinto 2:7-10; 2 Abakorinto 3:14-16; 4:3-4). Abaatu abasinga obungi sibategeera bulani ebbayibbuli, ohutusaho ni babanyonyooye nindi Omwoyo Omwabule n’abayeedire ohuyitegera (Matayo 22:29; Luka 24:27,45; Ebikolwa by’Abahwenda By’Abahwenda 17:2-4; 1 Abekorinto 2:7-16). Abasomesa ab’obudulingi baniolaniola nindi bacuusacuusa ehibono hya Hiwumbe ni bahigodamya ohunja hu hituufu (Yeremiya 23:23-40; Matayo 7:15; Abagalatiya 1:6-9). Buhomya weene abasomesa bano abobudulingi baja husihiriha

(Ezekeri 13:1-23; Yeremiya 14:14-15; 2 Petero 3:16). Hwetaaga ohweyongeranga ohuhula mu hutegera obulaŋi wa Hiwumbe, ohusoma n’ohwehaanya ehibono hihye, ohuhisomesa n’ohuhigabana n’abahyefe ni hutahinioyenioye (Zabbuli 1:1-3; Engero 8:10; Yoswa 1:8; Yowane 17:17; Ebikolwa by’Abahwenda 17:11; 2 Timotewo 2:15).

Ehibono hya Hiwumbe hirabbira /hiya amagesi (Zabbuli 119:24). Ohwehebulisanga n’ohumanya ko hugonderanga ehibono hya Hiwumbe bituyeeda naasihugwa mu hibi oba ohuswala (Zabbuli 119:6,11,31,46,80,116). Ehibono hya Hiwumbe hiya abaatu amaani era hibasisitira (Zabbuli 119:28,50). Ohumanya n’ohugondera ehibono hya Hiwumbe hifuula omuutu owa bulijo ohuba n’amagesi ohuhiraho abasomesa aŋandi abanere bahiraho abahulu amagesi (Zabbuli 119:98-100; 19:7,8). Ehibono hya Hiwumbe hiragirira era njase eri abaatu (Zabbuli 119:105; Engero 6:23). Ehibono hya Hiwumbe hihira obujinda obulaŋi nindi hiŋooma ohuhira omudugere (Zabbuli 19:8-10).

Ebbayibbuli huyabulamo ŋa biri Endagaano Ekayiire n’Epyaha.

Endagano ekayiire etulomera engeri eyi Hiwumbe gatondamo ehyalo era gahena gangala Abayudaaya ohuba ti nj’abaatu babe. Mu ndagaano ekayiire p’omu hwagaana amagambi aga Hiwumbe gaŋa Abayudaaya n’abita mu Musa. Ebitabo ebindi eby’omu ndagaano ekayiire bitulomera hu Hiwumbe ehyali, n’abaatu ehi bali, etuloohesa hu Bayudaaya era etuŋa n’epayo enyene enyingi eji ŋamba hu Bayudaaya n’engeri eyi baholaganangamo n’abaatu abandi mu hyalo. Mu bitabo byomu ndagano ekayiire mulimo ebiŋa amagesi n’ebindi byo bunabbi. Mu bitabo by’obunaabbi ebindi p’omu hwagaana ebi ŋamba hu Yesu n’ebiyali ni bija ohumubaaho. Ebitabo bino bitulaga ng’olu abaatu benda/betaaga omunoŋosi era abanaabbi balangirira ng’olu Hiwumbe gaali naaja ohutuma omunoŋosi. Omunoŋosi eyi abaatu baali ni basubira ni bamulanga baati nje Masiya oba Kurisito.

- Alamusa abo ababa ni bafuuye mu Mwoyo (Yowane 3:3-8; Abafeso 2:1-5; Abakolosayi 2:13; 1 Petero 3:18).

Ohwabuliwa (ohutobolwamo) (ohuba mulugamu era wagenda nooli mu gwalaafu)

Omuutu n’afugiririra Yesu (afuuha mu kurisitayo), Hiwumbe amusoniŋa ebibi, gamugwalaasa ng’amutobolamo ohuba mulala hu baatu ba Hiwumbe abagwalaafu (ehiri ti Hiwumbe aba amwabuyemo era ni bamulanga baati “omugwalaafu” (Ebikolwa by’Abahwenda 26:18; Abarooma 1:7; 1 Abakorinto 1:2; 6:9-11; 2 Abasesalonika 2:13; Abebbulaniya 10:10,14; 13:12; 1 Petero 1:2). Olw’ohuba ti hiisi afugiririra aba wa mu hibubbu hy’abaatu ba Hiwumbe abagwalaafu, omuutu oyo ali n’ohulaga esambo j’obugwalaafu mu bulamu wuwe (Abakolosayi 2:20-3:17; 1 Abasesalonika 2:10-12; 1 Petero 1:14-16; 2:9-12). Omuutu oyo ali n’ohwebisya mu ngeri eyitafananaho n’abaatu abandi mu hyalo (Yowane 17:15-16; 2 Abakorinto 6:14-18).



Omwoyo Omwabule agobosa bunyaaha obulamu w’omuutu anoŋoha era gahifuula hyangu eri omuutu oyo ohugaana ehibi gahola ebiraŋi (2 Abakorinto 5:17; Tito 3:4-5; 1 Petero 2:24). Omwoyo Omwabule amenya mu mukurisitayo era gamuyeeda ohulehayo eby’ahale n’ebyomu hyalo hino aye abe ti afugiririra ebi Hiwumbe genda (Abarooma 6:6-22; 7:4-6; 8:5-15; Abagalatiya 5:16-25). Omwoyo Omwabule atuyeeda ohucuuusa epeega yeefe n’ohugobosa bunyaaha emyoyo jeefe hwaba ti huli hu hituufu. Hino hituletera ohuba bagondi nindi hwaba mu bulamu obugwalaafu (Yisaaya 55:6-7; Abarooma 12:1-2; 2 Abakorinto 10:3-5). Hiisi afugiririra ali n’ohubona ati omubiri

Omuutu owefugirira Yesu aja huba mulamu emirembe n'emirembe (Yowane 3:16; Ebikolwa by' Abahwenda By' Abahwenda 10:43). Aye singa omuutu sigefugirira Yesu ng'ejongo, Hiwumbe aja huletera omuutu oyo ohufa era omuutu oyo alisasula endini eye bibi bibye omwene (Yowane 3:18; Abafeso 2:1-3; Ebibono ebi Yesu Gahwehuliye Yowaane 6:16-17).

Singa omuutu afugirira Yesu, omuutu oyo Hiwumbe aba amusaaye era aba afuuhire Mwana wa Hiwumbe (Yowane 1:12-13; 1 Petero 1:23; 1 Yowane 3:1-3). Era Hiwumbe anjira omuutu oyo ohuba mulungamu ate omugwalaafu (Abarooma 3:23-26; 4:22-25; 5:17-19; 8:33; 10:8-10; Abafiriipi 3:8-9).

Omuutu n'afugirira Yesu, gafuuha mukurisitayo, Yesu amuholera ebiitu bingi.

- Yesu atuterayo ahabega, Hiwumbe nasaatulunjira ko hujange ohusuna ehiasabirisi hya Hiwumbe (Yowane 3:36; Abarooma 5:9; Abafeso 2:3-5; 1 Abasesalonika 1:10; 5:9; 1 Petero 2:10).
- Yesu acuusa abaatu ababaaye abasigu baaba bamuhago (Abarooma 5:10-11; Abakolosayi 1:21-22).
- Acuusa abaatu ababaaye abalugendwa baaba bamuhago era abolulyo lulala mu Hiwumbe nindi abasika babe (Yowane 1:12; Abarooma 8:16-17; Abagalatiya 3:26; 4:6-7; Abafeso 2:19; Abakolosayi 1:21-22).
- Yesu atusa abaatu mu hutategeera Hiwumbe gabaletera ohumumanya (Yowane 3:20-21; 12:44-46; Ebikolwa by' Abahwenda By' Abahwenda 26:18; 2 Abakorinto 4:6; Abakolosayi 1:13; 1 Petero 2:9).
- Yesu acuusa ohufa ohuba obulamu oba ohulamuha (Yowane 11:25-26; 20:31; Abarooma 5:17-18,21; 6:23; 8:1-2; 1 Abakorinto 15:20-22; 1 Yowane 5:13).

Endagano epyaha etulomera hu Yesu Kurisito omusaani wa Hiwumbe owajire hu hyalo ohuba omunogosi ng'olu bamulomaho mu endagano ekayiire. Endagaano ekayiire yeyongera ohuloma hu Hiwumbe, n'engeri eyi Omwoyo Omwabule gayeedamo ehumbaniro ly'abaatu ba Hiwumbe endaayi ohuhula era eroma no hu ngeri eyi Hiwumbe genda abaatu bebisye ni bali hu hyalo huno. Era ebbayibbuli etulomera ebija ohutwolaho ni hufuuye.

Aye obubaha obubbala obuli mu bbayibbuli bujamba hu Yesu, n'engeri eyi baatu bali n'ohumwenda, n'ohumugemba olwohuba nje yenyene anjanga ohubanojola.

Abaatu

Ebbayibbuli etusomesa yiiti Hiwumbe gawumba omuutu abe hy'omwene (Etandihwa y'Ehyalo 1:26-27). Hiwumbe gawumbire omuutu ni genda omuutu amwende, amulombenga, amujumiryenga era amuhubbirenga amafuuha (Obuhwenda obu Yesu Gahwehulira Yowane 4:11). Aye Adamu ni Kaawa bajemera Hiwumbe, hyanjeramo n'abaatu bosibosi aba goboyeho boosi bajemera Hiwumbe era baholire ebibi bingi (Etandihwa y'Ehyalo 3:1-6; Abarooma 3:23; 5:12).

Abaatu abatafugiirira Yesu Kuristo baba basigu ba Hiwumbe (Abarooma 8:7; Yakobbo 4:4). Kadi ehyo ni hiri hiityo aye Hiwumbe atwenda hwesihwesi era genda hiisi muutu gende omuutu wahye (Matayo 22:37-39; Yowane 3:16; 13:34-35; Abarooma 12:10; 13:8-10; Abagalatiya 5:13-15). Hiwumbe genda abaatu bosibosi ohumanya n'ohwefugirira ehituufu ko banoghe babe bedembe (1 Timotewo 2:3-4; 2 Petero 3:9).

Ehibi

Ebbayibbuli esomesa yiiti abaatu bosibosi babbenga olw'ohuba bomu lulyo Iwa Adamu ni Kaawa, babbenga mu moni ja Hiwumbe (*Zabbuli 14:1-3; Abarooma 3:9-12,23; 5:12*). Ehibi amahulu




ti ohujemera Hiwembe. Omuutu yesiyesi aloma ati abulaaho hibi oba ati saabbenga aba mudulingi (1 Yowane 1:8). Hiwumbe asunguŋalira nindi gahayula abaatu bosibosi abatebbwaga baleha ebibi era bagobola eyi ali (Abakolosayi 3:5-6; Abarooma 1:18; Ebikolwa by'Abahwenda 17:30-31). Aye aba Hiwumbe asoniŋa olw'ohufa hwa Yesu baja hunoŋoha nindi Hiwumbe saaja hu baboneresa (Yowane 3:36; Abarooma 5:8-9). Ehibonereso ehi Hiwumbe aŋa abahola ebibi, hiba hubalehaŋo n'ohufa (*Etandihwa y'Ehyalo 2:17; Mariko 15:34; Abarooma 5:12; 6:16,23*).

Abo abafugiirira Yesu bali n'ohuŋwa mu bulamu ow'ehibi (Mariko 9:43; Abarooma 6:1-23; 1 Abakorinto 6:18; 8:12; 15:33-34; 1 Timotewo 5:20; Abebbulaniya 12:1). Omwoyo Omwabule anakuŋala n'abona abafugiirira Yesu ni babbenga anakuŋala (Abafeso 4:30). Singa ŋabaanŋo abbenga oba eyi bahongerehise gagwa mu hibi, hiraŋi singa omuutu oyo, genenya era galomba Hiwumbe amusoniŋe (1 Yowane 1:9; 2:1-2) nindi abo abafugiirira Yesu Kurisito bosu baŋanga bayeeda ohugobosanŋo oyo aba n'abbengire (Abagalatiya 6:1).

Ohunoŋoha

Ebbayibbuli esomesa yiiti abaatu sibaŋanga hwenonoŋola abeene. Hiwumbe yeŋene nj'aŋanga ohunoŋola abaatu, era ahihola olwohuba ti abenda bugali (Yowane 3:16). Hiwumbe anoŋola abaatu ng'ehirabo sosi ng'ahasiimo olw'ohuhola ebiraŋi (Abarooma 3:24; Abafeso 2:7-9; Tito 3:4-5).



Ebbayibbuli yeyongerera ohusomesa yiiti abaatu ababbenga naasibenenye baja hufuna ebiguudyo ohuŋwa eri Hiwumbe, (Abakolosayi 3:5-6; Abarooma 1:18). Hiwumbe sigenda huboneresa baatu, nindi sigenda muutu ahole ehibi. Ni naanŋo gendulirisanŋo engeri eyo hubanoŋolamo ng'atuma Musaani wuwe omwene ohuuja mu hyalo ohufiira hu musalabba n'ohuba eŋongo olw'ebibi by'abaatu (Abarooma 3:25; 5:6-10). Hiwumbe gaboneresa musaaniwe Yesu Kurisito olw'ebibi byefe. Yesu gafa mu hifo hyefe konyo huŋange ohuba bulala (2 Abakorinto 5:21). Aye Yesu gefugiriiye ohutufiririra olwohuba atwenda bugali. Yesu ni gafiira hu musalabba, gawuhanahomo ni Hiwumbe (Matayo 27:46). Hino c'ehiitu ehy'asinga ohuba ehibi ehyola hu Yesu ni gaali n'ahiri mu hyalo muno.

Ni naanŋo Yesu nj'owaali ng'etaama ey'eŋongo ehenanŋo ebibi bya baatu eyi Hiwumbe gaŋayeyo (Abarooma 5:8-9). Yino nj'eyaali etegeha ya Hiwumbe ko aŋange ohunoŋola abaatu (1Abasesalonika 5:9). Aye Hiwumbe aja husoniŋa abaatu (nasaabasunguŋalira/ ababoneresa) abenenya ebibi byawe era bafugirira Yesu Kurisito (Yowane 3:36; 5:24; Ebikolwa by'Abahwenda 3:19; 17:30-31; 20:21; Abarooma 10:9-10).